

【五 Zǐ 滓 Pǐ 〔音紫〕】

（科註第 980 頁倒數第 4 行 第 483 | 484 集 2012 年 8 月 22 日）

《佛學大辭典》：（雜語）與五濁同。

《三藏法數》「五濁」條：〔出法苑珠林〕

一、眾生濁：謂眾生多諸弊惡，不孝敬父母尊長，不畏惡業果報，不作功德，不修齋法，是名眾生濁。

二、見濁：謂正法已滅，像法漸起，邪法轉生，邪見增盛，不修善道，是名見濁。

三、煩惱濁：謂眾生多諸愛欲、慳（音謙，吝嗇也）貪、鬥諍、諂曲、虛誑，攝受邪法，惱亂心神，是名煩惱濁。

四、命濁：謂往古世時，人壽八萬四千歲，今時人壽轉減，百歲者稀。以惡業增故，壽數短促，是名命濁。

五、劫濁：劫，梵語具云劫波，華言分別時節。謂減劫中，人壽減至三十歲時，饑饉災起。減至二十歲時，疾疫災起。減至一十歲時，刀兵災起。世界眾生，無不被害，是名劫濁。